

Powšitkowne WOZJEWJENJA

njedźelu, 12. julija 2026

Nabožne wusyłanja w serbskim rozhłosu

Ewangelske nabožne wusyłanje w Serbskim rozhłosu MDR ma tutu njedźelu, 12. julija, serbska fararka Jadwiga Malinkowa ze Slepoho. Wotkaz na nabožne wusyłanje w mediatece MDR je pod www.posol.de podaty.

Nóc tysac swěčkow

Křesćansko-socialny kubłanski skutk Sakska z.t. (CSB) přeprosny wšitkich na „Nóc tysac swěčkow“, kiž wotměje so sobotu 18. julija, wot 19.00 hodź. na zelowej zahrodze klóštra Marijineje hwězdy w Pančicach-Kukowje. Hač do zaswěćenja swěčkow poskića jědž a napoje, kaž tež pisany program na jewišću. Mjez druhim wustupitej „Duo Helena & Jan“ a rejowanska skupina „Łužičanska rapsodija“. Zastupne lisćiki su online na předaň. Wotkaz je pod www.posol.de podaty.

Serbske kemše w Drježdźanach

Přichodna serbskorěčna Boža mša w Drježdźanskej cyrkwi swjateho Antonija na Bünauskej 10 budže njedźelu, 19. julija, w 16.00 hodź. Přizamknje so bjesada ze swačinu.

Putnikowanje do Krupki

Lětuše putnikowanje młodžiny do Krupki je wot njedźele do pjatka, 26. do 31. julija. Putniske kemše w Krupce budu srjedu, 29. julija, w 10.00 hodź. Štóz chcył kemši z busom sobu jěć, měł so w Radworskim Šmitec-Schwarzec wozydłownistwje přizjewić, telefonowe čisło (03 59 35) 28 60.

Žarowanskej kruhaj Charity za dźěći kaž tež za dorosćenych

Hospicna služba Hornjołužiskeho zwjazka Charity z.t. přeprošuje na žarowanskej kruhaj, kotrejž zahajitej so štwórtk, 18. septembra. Jedyn je za dźěći, druhi paralelnje za dorosćenych mysleny. Wobaj trajetej stajnje wot 16.00 do 18.00 hodź. Prěnje zetkanje budže w rumnosćach zwjazka Charity w Kamjencu na Zapadnej 22. Zajimcy měli so za kurs, kotryž přewjedže so z dźesać zetkanjemi něhdže do srjedy lěta 2027, do toho telefonisce pod čisłom (0 35 78) 37 43 12 abo z mailku pod adresu Hospiz@Caritas-Oberlausitz.de přizjewić.

Fotowa wustajeńca

W Budyskej Michalskej cyrkwi je wotnětka fotowa wustajeńca přistupna. Na 18 fotach su wšelake warianty drasty ewangelskich Serbow Budyskeho kraja widjeć. Fotograf Tilo Aé z Brandisa pola Lipska je projekt hromadže z holcami a žonami Bukečanskeje wosady zwoprawdźił. W Bukecach běchu hišće hač dosrjedž 19. lěstotka wšědnje w narodnej drasće chodžili.

Dekanatna młodžina na wulět přeprošena

Serbska dekanatna młodžina je na zhromadny wulět do Sprjowjow, Čelna a Noweho Města nad Sprjewju přeprošeni, kotryž budže njedźelu, 13. septembra. Zajimcy měli so hač do pónđzele, 10 awgusta online přizjewić. Link je pod www.posol.de wozjewjeny.